

ერთი მხრივ სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი“, წარმოდგენილი გენერალური დირექტორის მოადგილის მეცნიერების დარგში პაატა იმნაძის სახით, შემდგომში „შემსრულებელი“ და მეორე მხრივ ააიპ „თბილისის პარასპორტის განვითარების ცენტრი“, წარმოდგენილი დირექტორის შალვა მაისურაძის სახით, შემდგომში „დამკვეთი“, ვდებთ აღნიშნულ ხელშეკრულებას შემდეგზე:

1. ხელშეკრულების საგანი

1.1 სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ ააიპ „თბილისის პარასპორტის განვითარების ცენტრისთვის“ ლაბორატორიული მომსახურების გაწევა. (CPV 71900000)

2. ხელშეკრულების საფუძველი

2.1 „საჯარო სამართლის იურიდიული პირის - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის #107/ნ ბრძანების მე-3 მუხლის 2 პუნქტის „ბ“ ქვეპუნქტი.

2.2. „საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ მომსახურების გაწევის ვადის, სახეების, საფასურის გადახდის და გადახდილი საფასურის დაბრუნების წესის დამტკიცების შესახებ“ საქართველოს მთავრობის 2015 წლის 14 სექტემბრის N468 დადგენილება.

3. ხელშეკრულების ობიექტი

3.1. ლაბორატორიული კვლევების წარმოება N468 დადგენილების დანართი N1-ით განსაზღვრული კვლევების მიმართულებით.

3.2 წინამდებარე ხელშეკრულების ღირებულება შეადგენს 15 000 (თხუთმეტი ათასი) ლარი.

4. მხარეთა ურთიერ-მოვალეობები

4.1. „შემსრულებელი“ უზრუნველყოფს:

4.1.1. „დამკვეთის“ მოთხოვნის შესაბამისად კვლევას უზრუნველყოფს შემსრულებლის შესაბამისი ლაბორატორია.

4.1.2. N1 დანართის შესაბამისად ჩატარებული ლაბორატორიული ტესტირებების გამოკვლევების შედეგების მიწოდებას, როგორც ელექტრონულ ფორმატში, ასევე სპეციალურად ამ მიზნით წინასწარ დადგენილი ფორმებით, „პერსონალურ მონაცემთა დაცვის შესახებ“ საქართველოს კანონის დადგენილი წესით.

4.2. „დამკვეთი“ უზრუნველყოფს:

4.2.1. „შემსრულებლის“ მოთხოვნის შესაბამისად გასატესტი პირების საიდენტიფიკაციო (გვარი, სახელი, პირადი ნომერი) მონაცემების მოწოდებას არაუგვიანეს ერთი სამუშაო დღით ადრე, გარდა გადაუდებელი აუცილებლობისა, რომელიც სავალდებულოა გადმოიგზავნოს შემდეგ ელექტრონულ მისამართებზე (ლაბორატორია-საკონტაქტო პირი ნათია ჩუბინიძე, ელექტრონული მისამართი: s.chubinidze@ncdc.ge ; ტელეფონი: 595 956 123, ფინანსური უზრუნველყოფა - თეა გოგბაიძე, ელექტრონული მისამართი: T.gogbaidze@ncdc.ge ; ტელეფონი: 591 415 990) „პერსონალურ მონაცემთა დაცვის შესახებ“ საქართველოს კანონის დადგენილი წესით;

4.2.2. „დამკვეთის“ მიერ 4.2.1 პუნქტის პირობების შეუსრულებლობის შემთხვევაში „შემსრულებლის“ მიერ კვლევა არ განხორციელდება;

4.2.3. „შემსრულებლის“ პერსონალის ხელშეწყობას ბიოუსაფრთხოებისა და ბიოდაცვის სტანდარტების შეფასების და მონიტორინგის პროცესში. ბიოუსაფრთხოების სამოქმედო ოპერაციული პროცედურების შესრულებას.

4.2.4. ხარისხის კონტროლის სისტემის მოთხოვნების და ოპერაციული პროცედურების დაცვას. გარე და შიდა აუდიტის განხორციელების ხელშეწყობას.

4.2.5. ლაბორატორიული ნიმუშების ხარისხის კონტროლზე მუდმივ ზედამხედველობას.

4.2.6. „დამკვეთის“ მიერ ერთდროულად 10 და მეტი ნიმუშის მოწოდების შემთხვევაში „შემსრულებელი“ ვალდებულია უზრუნველყოს 20%-იანი ფასდაკლება ხელშეკრულების დანართი #1-ით განსაზღვრულ #1 და #2 პოზიციებზე;

4.2.7. „დამკვეთის“ მიერ საანგარიშო პერიოდში 50 და მეტი უსიმპტომო პირის ტესტირების შემთხვევაში (ოთხი ან მეტი ნიმუშის პულირების მეთოდის გამოყენებით) საფასური მცირდება 50%-ის ოდენობით ხელშეკრულების დანართი #1-ით განსაზღვრულ #1 პოზიციასზე;

4.2.8. „დამკვეთის“ მოთხოვნის შესაბამისად „შემსრულებლის“ მიერ №1 დანართის #1 პოზიციით განსაზღვრული მომსახურების 3 სთ-დან - 6 საათამდე პერიოდში შესრულების შემთხვევაში საფასური განისაზღვრება 150 ლარით.

4.2.9. №1 დანართის #1 პოზიციით განსაზღვრული მომსახურების საფასური „შემსრულებლის“ მიერ ნიმუშის აღებისა და ტრანსპორტირების ღირებულების გარეშე განისაზღვრება 50 ლარით.

5. ფინანსური საკითხები

5.1. ლაბორატორიული კვლევები და ტარიფები განსაზღვრულია 2015 წლის 14 სექტემბერის „საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ – ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ მომსახურების გაწევის ვადის, სახეების, საფასურის გადახდის და გადახდილი საფასურის დაბრუნების წესის დამტკიცების შესახებ“ საქართველოს მთავრობის N468 დადგენილებით.

5.2. ცვლილებები ლაბორატორიული კვლევების ტარიფებში ეცნობება „დამკვეთის“ ცვლილებამდე ორი კვირით ადრე.

5.3. „შემსრულებელი“ გაწეული მომსახურების შემდგომ წარუდგენს „დამკვეთს“ შესრულებული სამუშაოების ინვოისს ან/და მიღება-ჩაბარების აქტს. „შემსრულებლის“ მხრიდან მიღება-ჩაბარების აქტზე ხელმოსაწერად უფლებამოსილება ენიჭება საფინანსო-ეკონომიკური დეპარტამენტის ბუღალტრული აღრიცხვა-ანგარიშების სამმართველოს მთავარ სპეციალისტს - თეა გოგბაიძეს.

5.4. „დამკვეთი“ ვალდებულია შესაბამისი ინვოისის ან/და მიღება-ჩაბარების აქტის მიღებიდან 5 სამუშაო დღეში უზრუნველყოს შესრულებული სამუშაოს ანაზღაურება მითითებული ტარიფების შესაბამისად.

5.5. თუ „დამკვეთი“ გადააცილებს შესრულებული სამუშაოს საფასურის გადახდის ვადას, იგი ვალდებულია გადაიხადოს პირგასამტეხლო, გაწეული მომსახურების ღირებულების 0.1%-ის ოდენობით ყოველ გადაგადაცილებულ დღეზე, დავალიანების სრულ დაფარვამდე.

5.6. არსებული ფინანსური ურთიერთვალდებულებების დასადგენად მხარეები ვალდებული არიან ურთიერთშეადარების აქტი შეადგინონ წლის ბოლოს დებტორულ/კრედიტორული

დავალიანების არსებობისას. აღნიშნულის გარდა, მხარეებს შეუძლიათ ხელშეკრულების მოქმედების ნებისმიერ ეტაპზე მოითხოვონ ურთიერთშედეგების აქტის გაფორმება, რომლის გაფორმება სავალდებულოა მეორე მხარისათვის.

6. ხელშეკრულების მოქმედების ვადა და შეწყვეტა.

6.1. მხარეთა შორის გაფორმებული ხელშეკრულება მოქმედებს 2022 წლის 09 მარტიდან და ძალაშია 2022 წლის 31 დეკემბრამდე, ამ მუხლის მე-5.5 პუნქტის გათვალისწინებით.

6.2. ხელშეკრულებაში შეტანილი დამატებები და შესწორებები დადგენილი წესით ძალაში შედის მხოლოდ მისი წერილობითი გაფორმებისა და მხარეთა მიერ უფლებამოსილი პირების ხელმოწერის შემდეგ.

6.3. ხელშეკრულება შედგენილია ელექტრონული ფორმით. მხარეები უფლებამოსილი არიან, ხელშეკრულება დაამოწმონ/დაადასტურონ კვალიფიციური ხელმოწერით ან/და კვალიფიციური შტამპით.

6.4. ხელშეკრულება წყდება ხელშეკრულების ვადის გასვლისა და ორივე მხარის მიერ ურთიერთ კრედიტორულ-დებიტორული დავალიანების დაფარვის შემდეგ.

6.5. ხელშეკრულება შეიძლება ვადამდე იყოს შეწყვეტილი:

6.6. მხარეთა შეთანხმებით.

6.7. შემსრულებელს უფლება აქვს ნებისმიერ დროს ერთპიროვნულად ვადამდე შეწყვიტოს ხელშეკრულება დამკვეთის მხრიდან დავალიანების გადაუხდელობის შემთხვევაში. ხელშეკრულების შეწყვეტა არ ათავისუფლებს დამკვეთს დავალიანების და პირგასამტეხლოს გადახდის ვალდებულებისაგან.

6.8. ხელშეკრულების შეწყვეტის შესახებ გადაწყვეტილების მიღების თაობაზე ერთი მხარე წერილობით ატყობინებს მეორეს შეწყვეტის სავარაუდო თარიღამდე არანაკლებ ორი კვირით ადრე.

7. კონფიდენციალურობა

7.1. მხარეები თანახმანი არიან ამ ხელშეკრულების დადების და შესრულების პერიოდში ერთმანეთისთვის გადაცემული და გადასაცემი მთელი ინფორმაცია მიიჩნიონ კონფიდენციალურ ინფორმაციად (ხოლო, კანონმდებლობით დაშვებულ ფარგლებში - კომერციულ საიდუმლოებად) და იღებენ ვალდებულებას არანაირი სახით არ გაახმაურონ კონფიდენციალური ინფორმაცია და არ გახადონ ის ხელმისაწვდომი მესამე პირისათვის, გარდა კანონმდებლობით გათვალისწინებული შემთხვევებისა.

7.2. მხარეები იღებენ ვალდებულებას მთლიანად ანაზღაურონ მეორე მხარისათვის კონფიდენციალური ინფორმაციის გახმაურებით გამოწვეულიზიანი.

8. მხარეთა რეკვიზიტები.

„შემსრულებელი“

„დამკვეთი“

სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი
მის: თბილისი, კახეთის გზატკეცილი N99
ს/კ 211324351
მომღები ბანკი: სახელმწიფო ხაზინა;
მომღების დასახელება: ხაზინის ერთიანი ანგარიში;
ბანკის კოდი: TRESGE22;
მომღების ანგარიში/სახაზინო კოდი: 707077027

ააიპ „თბილისის პარასპორტის განვითარების ცენტრი“,
მის: თბილისი, ბელიაშვილის . #5;
საბანკო რეკვიზიტები:
სახელმწიფო ხაზინა, კოდი-TRESGE22, სახ.კ-
741837519
სკ-400098443.

გენერალური დირექტორის
მოადგილე მეცნიერების დარგში
პაატა იმნაძე

დირექტორი
შალვა მაისურაძე

დანართი #1

1	PCR.SARS-CoV-2	კორონავირუსის დეტექცია პჯრ მეთოდის გამოყენებით (SARS-CoV-2 RT PCR)	100.00
2	RDT. Coronavirus.Ag	სწრაფი ტესტირება კორონავირუსის ანტიგენზე(SARS-CoV-2 Ag Rapid test)	40.00
3	Serology.Anti-SARS-CoV-2. N	Anti-SARS-CoV-2 Nucleocapsid (N) protein ანტისხეულების ხარისხობრივი განსაზღვრა	50.00
4	Serology.Anti-SARS-CoV-2. S	Anti-SARS-CoV-2 Spike (S) protein ანტისხეულების ხარისხობრივი და რაოდენობრივი და განსაზღვრა	50.00

დანართი N2

N	სერვისი	ადგილდებარეობა	თანხა
1	Service.1	ადგილზე მომსახურება და ნიმუშის ტრანსპორტირება (ქალაქის ფარგლებში)	45.00
2	Service. 2	ლაბორატორიიდან დაშორების რადიუსი 100 კმ	150
3	Service. 3	ლაბორატორიიდან დაშორების რადიუსი 200 კმ	230
4	Service. 4	ლაბორატორიიდან დაშორების რადიუსი 200 კმ და მეტი	300